

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0049446 22
Zenica, 03.02.2024. godine

OPĆINSKOM SUDU U ZAVIDOVIĆIMA
Sudiji za prethodno saslušanje

Na osnovu člana 45. stav 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

O P T U Ž N I C U

Protiv,

M. J., osuđivan presudom Općinskog suda u Zavidovićima broj ... Kps od 01.10.2018. godine zbog krivičnog djela iz člana 362. stav 2. u vezi sa stavom 1. KZ F BiH na kaznu zatvora u trajanju od 6 (šest) mjeseci, uvjetno 1 (jedna) godina,

što je,

dana 01.06.2022. godine, oko 15,10 sati, u mjestu V., grad Z., ispred autopraonice vlasništvo Č. A., u stanju neuračunljivosti u kojem nije mogao shvatiti značaj svog djela niti upravljati svojim postupcima, ozbiljnom prijetnjom da će napasti na život ili tijelo, ugrozio sigurnost Č. A. na način da mu je, dok se isti nalazio u krugu navedene autopraonice zaprijetio sa riječima „Jesam li ti rekao da se ne motaš j* li ti dijete, pobiću vas sve!“, koje prijetnje su kod oštećenog Č. A. ugrozile osjećaj sigurnosti, izazvale strah, osjećaj uznemirenosti i bojazni za njegov život, nakon čega je preskočio ogradu autopraonice i ušao u krug iste te A. zadao udarac stisnutom pesnicom šake u predjelu lijevog oka od kojeg udarac se isti zateturao, a potom ga više puta udario stisnutom pesnicom šake u predjelu glave i tri puta nogama u predjelu nosa i čela, kojim radnjama mu je nanio prelom poda očnog otvora, nagnječenje očne jabučice i tkiva očne šupljine, krvni podliv kože donjeg kapka, prodor mekih tkiva u sinus gornje vilice, prelom vanjskog zida kosti i očnog otvora i prelom vanjskog zida sinusa gornje vilice bez pomaka, a koje povrede u svojoj sveukupnosti predstavljaju teške tjelesne ozljede,

Dakle, ozbiljnom prijetnjom ugrozio sigurnost druge osobe i drugom nanio tešku tjelesnu ozljedu

Čime je počinio protivpravno djelo ugrožavanje sigurnosti iz člana 183. stav 1. KZ F BiH u sticaju sa krivičnim djelom teška tjelesna ozljeda iz člana 172. stav 1. KZ F BiH, sve u vezi sa članom 54. KZ F BIH.